



Broj: 01-34/16
Vareš, 29.02. 2016. godine

Z A P I S N I K
s 33. sjednice Općinskog vijeća Vareš,
održane 28.01. 2016. godine

Zdravko Marošević – predsjedavajući Općinskog vijeća Vareš, otvorio je 33. sjednicu s početkom u 10,00 sati, u velikoj sali Općine Vareš.

Izvršena je prozivka vijećnika.

Prisutni vijećnici: Ismet Abdulahović, Boško Andrić, Mahira Brkić, Tajiba Brkić, Asmir Čizmo, Zdenko Franjić, Osman Ibrišimović, Emir Islamović, Kenan Kamenjaš, Demo Kevrić, Mario Mirčić, Safeta Muftić, Elvir Rožajac, Jasmin Salketić, Zdravko Marošević, Tarik Kovač i Nikola Šimić.

Odsutni: Goran Selak i Mato Pavić.

Pored vijećnika sjednici prisustvuju: Općinski načelnik – gosp. Avdija Kovačević, sekretar Općinskog vijeća – gosp. Leon Pavlović, pomoćnici općinskog načelnika, ispred Službe organa uprave - gosp. Senad Mahmutović, predstavnici radnika TRD Vareš, predsjednici političkih stranaka i mediji.

Sekretar OV Leon Pavlović izvjestio je Vijeće o realizaciji Zaključaka i postavljenim vijećničkim pitanjima sa 32. sjednice OV održane 29.12. 2015. godine. Na 32. sjednici OV nije bilo zaključaka. Postavljena su četiri (4) vijećnička pitanja. Na dva (2) vijećnička pitanja nadležni su dostavili pismeni odgovor podnosiocima pitanja, jedno (1) vijećničko pitanje je u toku realizacije i na jedno (1) vijećničko pitanje Stručna služba OV nije dobila pismeni odgovor.

Općinski načelnik Kovačević Avdija u okviru aktuelne problematike na području općine Vareš za današnju sjednicu nije imao obraćanje.

(Vijećnička pitanja)

Elvir Rožajac

Upoznao je prisutne sa odgovorima na postavljena dva vijećnička pitanja u vezi postavljanja „ležećeg policajca“ i radova na školi u MZ Ravne.

Mahira Brkić

1. Pitanje upućeno Poreznoj upravi.- Da li je tačna informacija da je bila objavljena licitacija zbog prodaje TRD-a i ako jeste zbog čega je zaustavljena? Traži pismeni odgovor.

2. Pitanje upućeno menadžmentu TRD-a (direktorici).- Zašto zaposlenicima (koji su ispunili uslove za penziju) nije uplaćen doprinos kako bi isti ostvarili pravo iz penziono –invalidskog osiguranja? O postavljenim pitanjima dala je pojašnjenje.

Tajiba Brkić

3. Zašto se radnicima TRD-a ne omogući da se mogu adekvatno liječiti?

Safeta Muftić

4. Zašto se od strane Općine Vareš na vrijeme ne izda nalog JKP d.o.o. Vareš za čišćenje snijega, već se čeka 5-6 dana da se naprave duboke špure i da naši sugrađani-vozači završavaju u kanalima, jer se ne mogu mimoći sa vozilima koja im idu u susret (sporedne ulice: Selišta, Pruge, Put mira i sl.) i zašto vozač JKP prilikom čišćenja ne očisti ceste do kraja, nego ostavi 10-15 cm dubine, što ponovo otežava kretanje našim pješacima i isti moraju ići sredinom, jer se sa strane zgrne snijeg?
5. Kada će Općina Vareš izdati nalog firmi iz Breze da ponovo uspostavi rasvjetu iza zgrade preko puta Vatrogasnog doma (zgrada iznad Penzionera)? O postavljenom pitanju dala je pojašnjenje.

Đemo Kevrić

Podsjetio je na svoja pitanja koja je postavio na 31. i 32. sjednici OV koja se odnose na stanje u TRD-a Vareš i na koja nije dobio odgovor, te je zatražio od sekretara OV da Vijeće upozna koje je vijećničko pitanje, koje je on postavio, u toku realizacije. Također je podsjetio na svoja pitanja, na koja nije dobio odgovor, a koja se odnose na sanaciju puta Striježevo-Kokošiči, te ponovo traži da se uradi sanacija istog.

Ismet Abdulahović

Upoznao je prisutne da je dobio odgovor od JKP d.o.o. Vareš i o istom je iznio svoje mišljenje.

6. Prilikom radova na izgradnji MHE, sanacija puta nije urađena kako treba.- Traži da komunalno-građevinski inspektor izađe na lice mjesta i utvrdi činjenično stanje puta i poduzme odgovarajuće mjere da se put sanira (odvod prema rijeci Stavnji gdje je i prije bio)? O postavljenom pitanju dao je pojašnjenje.

Zdravko Marošević

7. Traži da nadležni, kad se steknu uvjeti, provjere stanje javne rasvjete u gradu i da se izvrši sanacija iste gdje za tim postoji potreba (dionica puta u naselju Pruga)?

Predsjedavajući OV u svom obraćanju a na osnovu problematike u TRD-i i postavljenog vijećničkog pitanja gosp. Mahire Brkić, pozvao je vijećnike i ostale prisutne da se uključe u raspravu.

Za riječ se javio Općinski načelnik koji je u svom obraćanju podsjetio prisutne na aktivnosti koje je Općinsko vijeće i JOO Općine Vareš pokrenuo u vezi problematike vezane za TRD-a Vareš i odnos viših nivoa vlasti prema istom, s akcentom da se dođe do zvaničnog odgovora zašto TRD-a, kao pravni subjekt, nije uplatila sve poreze i doprinose prema zaposlenicima. Podsjetio je prisutne da je na sjednici Skupštine ZDK održanoj 09.12.2015. godine postavljeno poslaničko pitanje u vezi iznalaženja rješenja problema penzionisanja radnika TRD-a Vareš i odgovorom na isto od strane Ministarstva za privredu ZDK. Na kraju svog izlaganja Općinski načelnik je prezentovao moguća

rješenja, uz konstataciju da nije siguran da Općinsko vijeće i JOO Općine Vareš imaju snage da to izvedu do kraja, i to:

- Da se uputi urgencija-molba prema resornom ministarstvu Vlade FBiH, da se što je moguće hitnije donese Zakon o uvezivanju radnog staža koji će obuhvatiti TRD-a Vareš,
- Da uposlenici sa pravomoćnim izvršnim sudskim presudama uz pomoć Općine Vareš pokrenu stečaj (na što radnici ne pristaju)
- Da se nađu zainteresovane kompanije koje bi otplatile preostali dug i automatski ušle u vlasničku strukturu TRD-a.

Predsjedavajući OV dao je riječ gosp. Alihodžić Nailu predstavniku radnika TRD-a, koji je u svom izlaganju upoznao prisutne sa situacijom i problemima radnika u TRD-i u vezi rješavanja radnog statusa. Iznoseći problematiku radnika, naglasio je da je jedan od bitnih problema taj što postoji firma unutar firme TRD-a, o čemu je dao i pojašnjenje.

Predsjedavajući OV u svom obraćanju izjavio je da rješavanje određenih problema u TRD-a nije u nadležnosti Vijeća, ali da Vijeće daje punu podršku u rješavanju istih. Pozvao je još jednom prisutne da iznesu mišljenja, prijedloge i zaključke u vezi iznalaženja rješenja problema radnika.

Za riječ se javila zamjenica predsjedavajućeg OV gosp. Mahira Brkić koja je u svom obraćanju predložila da se što prije sazove Tematska sjednica na koju će se pozvati svi akteri (predstavnici radnika i menadžment TRD-a, predstavnici Porezne uprave) na kojoj bi se donijeli određeni zaključci.

U daljnjoj raspravi su učestvovali vijećnici: Mario Mirčić, Kenan Kamenjaš, Đemo Kevrić, predsjedavajući OV, Općinski načelnik i predstavnik radnika Alihodžić Nail.

Za riječ se ponovo javila zamjenica predsjedavajućeg OV gosp. Mahira Brkić koja je predložila da se Vijeće izjasni o slijedećem prijedlogu Zaključka:

- **Do 10.02.2016. godine održati Tematsku sjednicu OV na temu „Informacija o stanju TRD-a Vareš“. Zaduzuje se Općinski načelnik i nadležne službe da pripreme potrebni materijal za sjednicu, te na istu da se pozovu svi akteri.**

Predsjedavajući OV zatvorio je raspravu i stavio na izjašnjanje predloženi prijedlog zaključka.

Nakon izjašnjanja vijećnika predsjedavajući OV konstatuje da je **jednoglasno (17 glasova „ZA“) usvojen predloženi Zaključak.**

Predstavnici radnika TRD-a napustili su sjednicu.

Predsjedavajući OV stavio je na raspravu Zapisnik sa 32. sjednice OV.

Nije bilo učesnika u raspravi i predsjedavajući OV stavio je na izjašnjanje Zapisnik sa 32. sjednice OV.

Nakon izjašnjanja vijećnika predsjedavajući OV konstatuje da je **jednoglasno (17 glasova „ZA“) usvojen Zapisnik sa 32. sjednice OV.**

Predsjedavajući OV stavio je na raspravu prijedlog dnevnog reda za 33. sjednicu OV koji je usaglašen na Kolegiju Općinskog vijeća.

Nije bilo učesnika u raspravi i predsjedavajući OV stavio je na izjašnjanje prijedlog dnevnog reda za 33. sjednicu OV.

Nakon izjašnjanja vijećnika predsjedavajući OV konstatuje da je **jednoglasno (17 glasova „ZA“) usvojen s l i j e d e ć i**

Dnevni red:

1. **Prijedlog Odluke o prosječnoj konačnoj građevinskoj cijeni 1m² korisne stambene površine na području općine Vareš za 2015. godinu.**
 - Izvjestilac: Pomoćnik načelnika gosp. Ermin Musa
2. **Prijedlog Odluke o raspodjeli sredstava za političke stranke i koalicije političkih stranaka u Općinskom vijeću Vareš iz budžeta Općine Vareš za 2016. godinu.**
 - Izvjestilac: Pomoćnik načelnika gosp. Ermin Musa
3. **Prijedlog Rješenja o utvrđivanju prava vlasništva u korist ŠPD Ze-do kantona PJ „Šumarija“ Vareš.**
 - Izvjestilac: Pomoćnik načelnika gosp. Ermin Musa
4. **Prijedlog Programa rada Općinskog vijeća Vareš za 2016. godinu**
 - Izvjestilac: Sekretar OV gosp. Leon Pavlović
5. **Izveštaj o realizaciji Programa rada Općinskog vijeća Vareš za 2015. godinu.**
 - Izvjestilac: Sekretar OV gosp. Leon Pavlović
6. **Tekuća pitanja.**

Ad. 1.

(Prijedlog Odluke o prosječnoj konačnoj cijeni 1m² korisne stambene površine na području općine Vareš za 2015. godinu.)

Komisija za statutarna pitanja i propise na 26. sjednici održanoj 20.01.2016. godine jednoglasno je donijela slijedeći Zaključak:

- Komisija nema primjedbi na Prijedlog Odluke o prosječnoj konačnoj građevinskoj cijeni 1m² korisne stambene površine na području općine Vareš za 2016. godinu, te je upućuje Vijeću na razmatranje.

Predlagač nije imao dodatno pojašnjenje za ovu tačku dnevnog reda.

Nije bilo rasprave po ovoj tački dnevnog reda i predsjedavajući OV stavio je na izjašnjavanje Prijedlog Odluke o prosječnoj konačnoj cijeni 1m² korisne stambene površine na području općine Vareš za 2015. godinu.

Nakon izjašnjavanja vijećnika predsjedavajući OV konstatuje da je sa **16 glasova „ZA“ i 1 „SUZDRŽANIM“ glasom usvojena**

Odluka o prosječnoj konačnoj cijeni 1m² korisne stambene površine na području općine Vareš za 2015. godinu.

Ad.2.

(Prijedlog Odluke o raspodjeli sredstava za političke stranke i koalicije političkih stranaka u Općinskom vijeću iz budžeta Općine Vareš za 2016. godinu.)

Komisija za statutarna pitanja i propise na 26. sjednici održanoj 20.01.2016. godine jednoglasno je donijela slijedeći Zaključak:

-Komisija nema primjedbi na Prijedlog Odluke o raspodjeli sredstava za političke stranke i koalicije političkih stranaka u Općinskom vijeću Vareš iz budžeta Općine Vareš za 2016. godinu, te je upućuje Vijeću na razmatranje.

Predlagač nije imao dodatno pojašnjenje za ovu tačku dnevnog reda.

Nije bilo rasprave po ovoj tački dnevnog reda i predsjedavajući OV stavio je na izjašnjenje Prijedlog Odluke o raspodjeli sredstava za političke stranke i koalicije političkih stranaka u Općinskom vijeću iz budžeta Općine Vareš za 2016. godinu.

Nakon izjašnjavanja vijećnika predsjedavajući OV konstatuje da je **sa 16 glasova „ZA“ i 1 „SUZDRŽANIM“ glasom usvojena**

Odluka o raspodjeli sredstava za političke stranke i koalicije političkih stranaka u Općinskom vijeću iz budžeta Općine Vareš za 2016. godinu.

Ad.3.

(Prijedlog Rješenja o utvrđivanju prava vlasništva u korist ŠPD Ze-do kantona PJ „Šumarija“ Vareš.)

Predlagač nije imao dodatno pojašnjenje za ovu tačku dnevnog reda.

Nije bilo rasprave po ovoj tački dnevnog reda i predsjedavajući OV stavio je na izjašnjenje Prijedlog Rješenja o utvrđivanju prava vlasništva u korist ŠPD Ze-do kantona PJ „Šumarija“ Vareš.

Nakon izjašnjavanja vijećnika predsjedavajući OV konstatuje da je **jednoglasno (17 glasova „ZA“) usvojeno**

Rješenje o utvrđivanju prava vlasništva u korist ŠPD Ze-do kantona PJ „Šumarija“ Vareš.

Ad.4.

(Prijedlog Programa rada Općinskog vijeća Vareš za 2016. godinu.)

Otvorena je rasprava u kojoj su svoja mišljenja, primjedbe i stavove iznijeli vijećnici: Đemo Kevrić (podsjetio je na raspravu sa prošle sjednice po ovoj tački dnevnog reda i ponovo izjavio da Klub BPS ostaje pri svom stavu i traži da se na današnjoj sjednici u Program rada OV uvrsti u I i IV kvartal održavanje svečanih sjednica u povodu obilježavanje državnih praznika), Tarik Kovač, Elvir Rožajac, Jasmin Salketić, Mario Mirčić, Ismet Abdulahović i predsjedavajući OV Zdravko Marošević.

U daljnjoj raspravi su učestvovali vijećnici: Ismet Abdulahović, Elvir Rožajac, Mario Mirčić, Tarik Kovač, Đemo Kevrić, Safeta Muftić, sekretar OV Leon Pavlović (u svom obraćanju dao pojašnjenje u vezi načina podnošenja inicijative kao i člana 57. Poslovnika o radu koji se odnosi na održavanje svečanih sjednica OV.) i predsjedavajući OV.

Vijećnik Tarik Kovač predložio je da nakon izjašnjavanja o Programu rada OV Vareš za 2016. godine, da se da pauza na kojoj bi vijećnici, na osnovu Odluke o načinu obilježavanja međunarodnih i državnih praznika, uradili i podnijeli Inicijativu o izmjeni iste o kojoj bi Vijeće raspravljalo pod tačkom Tekuća pitanja.

Predsjedavajući OV još jednom je podsjetio prisutne o načinu podnošenja inicijative i na traženje vijećnika Đeme Kevrić dao je pauzu u trajanju od 5 minuta.

Nastavljeno je sa radom današnje sjednice.

Za riječ se javio vijećnik Đemo Kevrić koji je *ispred Kluba vijećnika BPS predložio da se Vijeće na današnjoj sjednici ne izjašnjava po ovoj tački dnevnog reda.* Izjavio je da će Klub BPS podnijeti Inicijativu o izmjenama i dopunama Odluke o načinu obilježavanja međunarodnih i državnih praznika u Općini Vareš, te da svi vijećnici imaju mogućnost da svojim potpisom podrže tu Inicijativu,

koja će se nalaziti kod vijećnika Ismeta Abdulahović, kako bi se zadovoljile sve zakonske procedure i navedena Inicijativa završila na narednoj sjednici OV.

Predsjedavajući OV stavio je na izjašnjanje prijedlog Kluba BPS da se odgodi izjašnjanje po ovoj tački dnevnog reda za narednu sjednicu.

Nakon izjašnjanja vijećnika predsjedavajući OV konstatuje da sa **6 glasova „ZA“ i 11 „SUZDRŽANIH“ glasova nije usvojen prijedlog Kluba BPS.**

Predsjedavajući OV stavio je na izjašnjanje Prijedlog Programa rada Općinskog vijeća Vareš za 2016. godinu, te nakon izjašnjanja konstatuje da je sa **11 glasova „ZA“, 5 glasova „PROTIV“ i 1 „SUZDRŽANIM“ glasom usvojen**

Program rada Općinskog vijeća Vareš za 2016. godinu.

Ad.5.

(Izveštaj o realizaciji Programa rada Općinskog vijeća Vareš za 2015. godinu.)

Otvorena je rasprava u kojoj su učestvovali vijećnici Mahira Brkić i Ismet Abdulahović koji su dali komentar na podatke u Izvještaju koji se odnose na realizaciju odgovora na vijećnička pitanja i isplate naknada za vijećnike.

Nije više bilo učesnika u raspravi i predsjedavajući OV stavio je na izjašnjanje Izvještaj o realizaciji Programa rada Općinskog vijeća Vareš za 2015. godinu.

Nakon izjašnjanja vijećnika predsjedavajući OV konstatuje da je sa **11 glasova „ZA“, 3 glasa „PROTIV“ i 2 „SUZDRŽANA“ glasa usvojen**

Izveštaj o realizaciji Programa rada Općinskog vijeća Vareš za 2015. godinu.

Ad.6.

(Tekuća pitanja.)

1. Predsjedavajući OV upoznao je prisutne sa Molbom Udruženja starih i tradicionalnih zanat „Reza-Mandal“ Vareš od 12.01.2016. godine, u kojoj traže ukidanje naknade za obrtnike koju su registrovani kao obrtnici starih i tradicionalnih zanata. Predsjedavajući je zaključio da je nadležna služba upoznata sa dopisom, te da se služba očituje po Molbi i da se odgovor dostavi podnosiocima Molbe.
2. Predsjedavajući OV upoznao je prisutne sa Zahtjevom za dodjelu objekta na korištenje od 05.01.2016. godine, dostavljenim od strane „City Transport“ d.o.o. Vareš. U raspravi su učestvovali Općinski načelnik koji je u svom obraćanju dao pojašnjenje i upoznao sa pokrenutim aktivnostima u vezi ovog Zahtjeva i vijećnici Elvir Rožajac i Ismet Abdulahović.
3. Predsjedavajući OV upoznao je prisutne sa Inicijativom za donošenje Odluke o izmjeni Odluke o radnom vremenu u ugostiteljskim objektima od 15.01.2016. godine koju su dostavili vlasnici ugostiteljskih objekata, kao i sa Peticijom Udruge mladih „ACTA“ Vareš od 15.01.2016. godine koja se odnosi na istu tematiku-produženi rad ugostiteljskih objekata. Predsjedavajući OV je zaključio da nadležna služba razmotri ove dopise i očituje se po istim.
4. Predsjedavajući OV upoznao je prisutne sa Informacijom o opravdanosti ulaganja u poljoprivrednu proizvodnju broj: 11-49-23/16 od 27.01.2016. godine, dostavljenu od

strane Biro za zapošljavanje Vareš. U raspravi su učestvovali vijećnici Mario Mirčić i Ismet Abdulahović. Predsjedavajući OV je nakon rasprave i iznesenih prijedloga zaključio da nadležne službe upoznaju sa Informacijom sve mjesne zajednice na području općine Vareš.

5. Predsjedavajući OV upoznao je prisutne sa Urgencijom broj: 857/12/15 od 23.12.2015. godine dostavljenom od strane JKP d.o.o. Vareš kojom se od Općine Vareš zahtjeva da u što kraćem roku pristupi potpisivanju protokola o izmirenju dugovanja koja Općina Vareš ima prema JKP d.o.o. Vareš.
6. Vijećnik Boško Andrić podsjetio je prisutne da su on i vijećnik Elvir Rožajac 02.04.2015. godine podnijeli Inicijativu za izmjenu Poslovnika o radu OV, a koja se odnosi na mogućnost glasanja vijećnika na Kolegiju OV, koji zastupaju političke stranke a nemaju Klub vijećnika. Također je izjavio da se o Inicijativi još nije razmatralo i izrazio je svoje mišljenje u vezi toga.

Vijećnik Elvir Rožajac postavio je pitanje tko plaća zimsko održavanje putnog pravca Šimin Potok-Ravne-Crna Rijeka-Nišići, Općina ili Kanton?

Vijećnik Đemo Kevrić javio se za riječ u vezi Urgencije JKP d.o.o. Vareš, koja se odnosi na dugovanje Općine Vareš prema JKP d.o.o. Vareš, te je zatražio pojašnjenje o istom dugu.

Općinski načelnik Avdja Kovačević u svom obraćanju dao je komentar na diskusiju vijećnika Đeme Kevrić (zatražio je stenogram sa sjednice u vezi navoda vijećnika Đeme Kevrić) i izjavio je da se može pripremiti informacija sa svim obavezama Općine Vareš prema JKP d.o.o. Vareš.

U daljnjoj raspravi učestvovali su i iznijeli svoje mišljenje, u vezi dugovanja Općine Vareš: vijećnik Đemo Kevrić (podsjetio je na svoje vijećničko pitanje u vezi dugovanja Općine Vareš prema dobavljačima i izjavio da nije dobio odgovor), Općinski načelnik Avdija Kovačević (izjavio je da je na vijećničko pitanje odgovoreno uz pojašnjenje da je po Zakonu o pristupu informacijama potrebno da podnese zahtjev koji će se riješiti po Zakonu o zaštiti podataka u finansijsko knjigovodstvenom poslovanju), vijećnik Ismet Abdulahović, predsjedavajući OV Zdravko Marošević i vijećnik Mario Mirčić.

Sastavni dio ovog Zapisnika je audio zapis sjednice.

Sjednica je završena u 12,45 sati.

SEKRETAR

Leon Pavlović

***PREDSJEDAVALAČI
OPĆINSKOG VIJEĆA***

ZAPISNIČAR

Azra Ibrahimović

Zdravko Marošević